


# Il mas-chalch da Sent



Publicaziuns officialas. Cumpara seguond bsögn.  
2006/2008  
no. 54

7554 Sent, 20 gün 2008 / mw

## Publicaziun da fabrica

**Reguarda:** Piazza da parcar, Vidos, parc. no. 509  
**Patrun da fabrica:** Schmidt Anton, Vidos 269B, 7554 Sent  
**Profilà:** --  
**Publicaziun:** 20.06.2008  
**Termin da protesta:** 10.07.2008

---

**Edizium:** Tuot ils plans sun exposts in büro cumünal.

**Recuors:** Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

**In nom da la cumischiun da fabrica**

## Radunanza cumünala

La radunanza es gnüda fixada sün **mardi, 8 lügl 2008** a las 20.15 in chasa cumünala.

### Tractandas:

1. Protocol da la radunanza cumünala dals 23 avrigl 2008, acta 10
2. Rendaquint cumünal 2007 (quint da gestiun, quint d'investiziun, bilantsch cumünal e rendaquint da l'amegliaziun generala)
3. Rapport da la cumischiun sindicatoria
4. Nouva ledscha d'impostas
5. Varia

La documainta da la tractanda 2 e 4 po gnir retratta in büro cumünal d'ürant las uras da büro a partir dals 1. lügl 2008.

**Il Cussagl cumünal**

## Avis: deponia La Fuorcha

Causa cha la serradura da la barriera es rotta, e chi mancan plüssas clav da La Fuorcha, giavüschaina a quels chi possedan amo clav, da restituir quellas fin il plü tard venderdi als 11 lügl 2008. **Davo quist termin nu vegnan ils frs. 20.00 da depot plü restituits.**

**Chancellaria cumünala**

**Avis:**

Causa üna masüraziun da l'aua da baiver in cumün vegnan ils bügls serrats giò dals 23 süls 24 gün davent da las 18.00 fin a bunura a las 08.00. Nus giavüschain da nà manipular quella not vi dals bügls.

**Il cheu d'bügl**

**Avis**

Il termin per pagar **l'imposta a la funtana** pel **prüm mez on** scrouda als **30 gün 2008**. Nus giavüschain a tuots da far giò quint cul cumün fin il plü tard ils **31 lügl 2008**.

Formulars, tariffas etc. as poja retrar pro l'uffizi d'impostas cumünal.

**Uffizi d'impostas cumünal**

**Meditaziun in movimaint**

**Mincha marcurdi da lügl ed avuost da las 07.00 - 07.45 h. illa baselgia da Sent**

Esser in contact cul agen corp e seis tschögn. Salüdar la ricchezza dal nouv di cun atenziun.

**Ravarenda Jörg Büchel**

**Exposiziun da las lavurs manualas**

In **gövgia, als 26 gün 2008**, ha lö in chasa da scoula l'exposiziun da las lavurs da man e disegn aint illa sala da gimnastica (scolina fin 9avla classa). Sün saletta es averta la **stüva da caffè** da las 14.00 fin las 18.00 e da las 19.00 fin las 21.00.

Amiaivelmaing invidan

**Las muossadras e la magistraglia  
Il cussagl da scoula**

**Avis:**

Tscherchà da vender plü svelt pussibel, causa mancanza da lö:

1 s-chaffa fraida marca (Bauknecht) preds ch frs. 100.00

1 maschina da lavar marca (Bauknecht) da 5 Kg. preds ch frs. 150.00

Per spiegaziuns plü detagliadas sta duonna Mengia Fried suot il numer da telefon 081 864 15 58 a disposiziun.

**Mengia Fried**

**Orientaziun dal cussagl da scoula:****Sain da not:**

Il sain da not suna la stà a las 20.30 e d'inviern a las 19.30 e d'ürant las vacanzas adüna 30 min plü tard. Quists uraris sun programats aint il ura dal cluchêr, in cas spezials (p.ex. concert illa baselgia) po gnir tut oura il sunar.

**Il Cussagl da scoula  
Marianna Werro**

# CUMÜN DA SENT

## MISSIVA

**a man da la radunanza cumünala dals 8 lügl 2008**

**davart**

**l'introducziun da la ledscha d'impostas dal cumün da Sent**

### **1. Situaziun da partenza**

Als 31 avuost 2006 ha fat bun il Cussagl Grond la nouva ledscha d'impostas per ils cumüns e las baselgias, chi aintra in vigur a partir dals 1. schner 2007 e vegn pratichada a partir dals 1. schner 2009.

In la ledscha d'impostas per ils cumüns e las baselgias es gnü fuormulà ils drets d'impostas cumünals chi sun blerun plü simpels, plü survisibels e structurats listes.

Perquai han tuot ils cumüns dal Chantun Grischun da revider lur ledscha d'impostas ed inoltrar tala a la regenza per far bun infin il plü tard ils 31 da lügl 2008.

Il böt es cha mincha cumün in Grischun haja üna ledscha d'impostas structurada istess. Tuot las ledschas per las diversas impostas dessan nouv esser integradas in üna nouva ledscha d'impostas cumünala.

### **2. Che sun il gronds müdamants da la nouva ledscha d'impostas**

Las impostas sün las entradas e sülla facultà as basa plainamaing sün la ledscha d'impostas chantunala. La radunanza cumünala da Sent decida be plü mich'on sur dal pè d'impostas.

L'imposta da müdaman vain fixada sco fin uossa sün 2 %, invezza ch'is fa la proposta da dozzar l'imposta sün immobiglias dad 1.5 %o sün 1.7%o per cumpensar il manco d'impostas da las persunas juridicas. Quel manco füss raduond frs. 40'000.-- e'l Cussagl cumünal da Sent sco eir tuot ils oters cumüns d'Engiadina Bassa voutan egualisar quista foura cun dozzar l'imposta sün las immobiglias.

A partir dals 1. schner 2008 nun inchascha il chantun Grischun plü ingünas impostas da ierta e sün donaziun per descendents directs. Nouv es eir reglè cha'ls partenaris da concubinats sun deliberats da l'imposta sülla ierta. Tuot quists fats ston eir gnir adattas in la nouva ledscha d'impostas.

Plü inavant esa reglè amo las cumpetenzas ed ils dovairs in connex cun las taxaziuns, cun l'inchasch, per relaschar impostas e per chastiar.

### **3. Müdamaints finanzials per il cumün**

Causa cha'l cumün da Sent cugnuschaiva infin uossa eir ün imposta sün ierta e donaziun per descendents directs, daraja quia eir ün manco d'impostas.

Il chantun Grischun ha sbassà las impostas süls guadogns da las personas juridicas (SA, ScrL e.u.i.) da max. 15 % sün 7 %. Quai chaschuna per il cumün da Sent raduond frs. 40'000.-- damain impostas. Cun dozzar l'imposta ün las immobiglias dad 1.5 %o sün 1.7 %o po la foura da frs. 40'000.-- gnir cumpensada.

### **4. Dret/ Aintra in vigur**

La ledscha nouva d'impostas ha da gnir fatta bun da la radunanza cumünala. Davò ha la regenza Grischuna dad approvar quista ledscha.

La nouva ledscha d'impostas aintra lura in vigur a partir das 1. schner 2009.

### **5. Finischun**

Eir ils oters cumüns in Engiadina Bassa han fat ils istess müdamaints sco Sent. Il sböz da la nouva ledscha d'impostas, chi d'es fingià passada üna controlla preliminar dal chantun Grischun, po gnir retratta a partir dals 1. lügl 2008 sün büro cumünal.

Il Cussagl cumünal appelescha a la populaziun da Sent da gnir a la radunanza cumünala als 8 lügl 2008 e da far bun la ledscha d'impostas.

Sent, ils 20 gün 2008

Il capo cumünal:

Jon Carl Rauch

Il chanzlist:

Rico Zini

# 25. STAFETTA TRAS SENT

sonda, als 21 gün 2008

**squadras:** 5 curridurs(as)  
(In mincha squadra partan almain üna duonna ed ün uffant!)

**tragets:**


1. Plaz-Sala-La Motta-Bügliet-Curtinaglias-Plaz
2. Plaz-Chasellas-Fora da Büz-Plaz
3. Plaz-Curtin
4. Curtin-avant Schigliana-Rezia-Plaz
5. Plaz-Schigliana-Pradè-Il Fuorn-Plaz  
(ils tragets 3 e 4 sun simpels!)



**cuosts:** creschüts: 7.--fr. / uffants: 5.--fr.

**infuormaziuns:** Christian Poo ed Andri Gritti

Per quista **stafetta da giubileum** vaina fixà ün program ün pa special! Adonta da quai dess l'arrandschamaint restar simpel e spontan, cul böt da promover in prüma lingia la cumünanza e'l contact tanter generaziuns.



Chi sponsorescha üna tuorta?  
Tel. 081 864 81 29  
(Seraina Riatsch)



cun trategnimaint da la **FIRST GUGGIBAND**

**program:**

17.45 - 18.30	scumpart da nomers	Plaz
18.30 - 18.50	s-chodar aint	Plaz
19.00	partenza sül ultim bat da las 19.00 ←	attenziun!
19.30	sguard inavo e rangaziun	Scoula
20.15	tschaina cumünaivla per minchün	Scoula
20.30 ca.	projecziun dal quart final (EURO 08) sün taila gronda	Scoula

Da la partida es eir

## DARIO COLOGNA

Champion mundial 30 km (U23) 2008

1.rang Maraton Engiadinais 2007

2.rang Maraton Engiadinais 2008





**venderdi 20 gүн 08**  
a partir da las 19.00  
Camping Sur En  
Tschaina da charbuners  
illa tenda  
cun brassada e buffet da salata  
musica e bal  
**„Ritschi“**


\*\*\*\*\*

**sonda 21 gүн 08**  
spaghetti's .. spaghetti's  
sairada da pasta  
trategnimaint culs trubadurs  
**Peder e Benedict**  
a partir da las 19.00

\*\*\*\*\*

**dumengia 22 gүн 08**  
a partir da las 9 00  
avertüra dal 14avel simposi da sculpturs  
cun brunch e musica populara  
**“Mondschyngiele”**

**Eivnas da god I Waldwochen Sur En I Sent 9-29|6|2008**



traditionelle zeremonie der navajo indianer: 13:00 - 15:00

blackfire unplugged 15:00-17:00 (native punk)

b a n d s :

freaky funky beer doze 17:00-19:00 (ska, funk, irish folk)

**BENALLY/BLACKFIRE**

Sonntag, 29. Juni 2008  
Camping Sur En  
bei Sent

# Program

Data	Di	Ura	Occurrenza
20 gün	venderdi	19 00	Tschaina da charbuners, musica e bal cun "Ritschi"
21 gün	sonda	08 00 - 15 00	Di avert per la populaziun
22 gün	dumengia	09 00	Avertüra dal 14avel simposi da sculpturs cun brunch e musica populara: "Mondschyngiele" e tübas
24 gün	mardi	12 00	Giantar per seniors in seguit raquints da Niculin Bischoff
25 gün	marcurdi	16 00	Prüma vendita da charbun ars a Sur En cun premiaziun dal plü bel sach da charbun tras Not Vital
26 gün	gövgia	13 30 - 17 00 18 30	Sezzüda gruppa god PEB/CRVM cun schefs da god Büfè da „brassada“ e trategnimaint cun „Los Domingos“
26 - 28 gün	gövgia-sonda	tuotta di	Dal arder sur il stüder fin pro'l adöver Cuors per architects, müraders e restauraturs chi lavuran culla chaltschina. (in collavuraziun cul uffizi protecziun da monumaints Grischun)
28 gün	sonda	09 00 ----	Visita da la senda da sculpturas, trategnimaint culs "Uhus" e rock rumantsch cun "TSU"
29 gün	dumengia	14 00 22 00	Preschantaziun d'indianers cun la famiglia Jones Benally e musica da rock cun la FFB-Band  FINISCHIUN ART E MANSTERS VEGLS A SUR EN

# open air

*Sent*



## 7. OpenAir da KINO a Sent

**17-20 lügl 2008**

### **Stimada populaziun da Sent**

Grazcha al grond agüd davart da blers indigens e grazcha al sustegn da divers sponsurs ans esa pussibel d'organisar il

7. OpenAir da KINO aint in Plaz! La tribüna es postada, il projectur, la taila e'ls films vaina reservà.

No eschan persvas d'avair tschernü darcheu ün program attractiv per tuot las etats:

**EL BAÑO DEL PAPA** es ün film per giodair. L'arriv dal Papa in üna pitschna cità aint il Uruguay lascha sömgjar. La populaziun es persvasa cha quella visita sarà müravgliusa, na be per l'orma, ma impustüt finanziaing!

**THE KITE RUNNER** (Drachenläufer) da Marc Forster (Tavo) descriva ourdvarit impreschiunant las relaziuns dal pövel Afghan suot il domini dals Talibans.

**CHICKEN MEXICAINE** - ün film svizzer - dà ün sguard davo las culissas d'üna praschun - ün film amüsant, plain da tensiun e cun ün „häpi änd“. L'actur principal, **Bruno Cathomas**, chi'd es gnü onurà in occasiun dals dis da film a Solothurn per quella rolla cul „Premi Svizzer da film sco meglder actur“ sarà preschaint quella saira. La moderaziun ha surtut il cuntschaint publizist **Roger De Weck**.

Sco film da famiglia vaina tschernü **DIE ROTE ZORA** da Peter Kahane, tenor l'istorgia da Kurt Held cun Linn Reusse, Mario Adorf e Ben Becker.

Quatter fuormaziuns da musica (**Chapella Tasna**, musica populara - **Musica Instrumentala Sent - Engiadina Concert Band** - Big-Band, **Andri Steiner ad hoc**, jazz) pisseran mincha saira a partir da las 20.00 per la bun'atmosfera.

No sperain ch'eir vo sajat da la partida e's giavüschain fingià hoz bun divertimaint!

Abunamaints per tuots 4 films (52.--fr. invezza da 60.--fr. / plazzas reservadas!) vendan las Bancas Chantunalas da Scuol e Sent. Singuls bigliets as survegna mincha saira a partir da las 19.30 a la chascha in Plaz. I'l cas da trid'ora muossaina ils films a las 21.45 aint il kino da Scuol.

Andri Linsel ed Andri Gritti

Daplüssas infuormaziuns sün: **[www.sent-online.ch/kinoopenair](http://www.sent-online.ch/kinoopenair)**